



№ 1/27-17

17 11 20 10

სსიპ "საქართველოს ტექნიკური უნივერსიტეტი"-ს რექტორს
ბატონ არჩილ ფრანგიშვილს

Handwritten signature and date: 27.11.10

ბატონო არჩილ,

მაქვს პატივი გაახლოთ სრულიად საქართველოს პატრიარქის უწმიდესისა და უნეტარესის ილია II მიმართვა, საქართველოს პარლამენტის თავმჯდომარის ბატონ დავით ბაქრაძის წერილი და გაცნობით, რომ ქობილისში მახათას მთაზე იწყება ივერიის ღვთისმშობლის ხატის სახელობის ტაძრის მშენებლობა.

მისმა უწმიდესობამ 2010 წლის 24 მაისს ფონდ „იანანას“ აქციაზე სრულიად საქართველოს მოუწოდა მშენებლობისაკენ და აღნიშნა, რომ ეს არის მეტად მნიშვნელოვანი მოვლენა ჩვენი ქვეყნის ისტორიაში და ამ იდეის გარშემო გაერთიანებით ქართველი ხალხი შექმნის საკუთარ მეორე ავტოპორტრეტს, სამების საკათედრო ტაძრის შემდეგ.

საქართველოს პატრიარქმა მოიწონა ჩვენი ინიციატივა მშენებლობის დაფინანსების უნიკალური სქემის შესახებ და კურთხევა მოგვცა ყველას, განურჩევლად ეროვნებისა, წოდებისა, განათლებისა თუ ეკონომიკური მდგომარეობისა გავერთიანდეთ და ყველამ თანასწორი წვდილის შეტანით, ერთად ავაშენოთ ეს უდიდესი სულიერი სავანე. ჩვენს მიერ შემოთავაზებული უნიკალური სქემა ყველა ადამიანს მისცემს ტაძრის მშენებლობაში თანაბარი მონაწილეობის საშუალებას და ეს მონაწილეობა იქნება ყოველთვიურად გადაებული 1 ლარი. ამასთანავე, პროექტის მხარდამჭერს სურვილის შემთხვევაში საშუალება ექნება ყოველთვიურად ტაძრის მშენებლობის სპეც. ანგარიშზე ჩარიცხოს შესაბამისი თანხა გარდაცვლილი წინაპრებისა და არასრულწლოვანთა სახელზე და შემოწირულობა გაიღოს იმ ადამიანების სახელითაც, ვინც არ არის დასაქმებული და სოციალური მდგომარეობის გამო, ვერ იღებს მონაწილეობას აქციაში. სათანადო განაცხადის ფორმები თან ერთვის.

გაცნობებთ, რა ყოველივე ზემოთაღნიშნულს, გთხოვთ, თქვენდამი დაქვემდებარებული სტრუქტურული დანაყოფების ყველა თანამშრომელს მიაწოდოთ ინფორმაცია ჩვენი ქვეყნისთვის საეტაპო მნიშვნელობის სამონასტრო კომპლექსის მშენებლობის შესახებ. აქციაში მონაწილეობაზე მათი წერილობითი თანხმობის შემთხვევაში, გთხოვთ, დაავალოთ შესაბამის სამსახურს გააფორმონ ხელშეკრულება თქვენს პარტნიორ ბანკებთან ავტომატურ დავალებაზე და ყოველთვიურად, უკვე დარიცხული ხელფასიდან ჩარიცხონ სათანადო თანხა ფონდი "ივერიისა"-ს ანგარიშზე.

ივერიის ღვთისმშობლის ხატის სამონასტრო კომპლექსი სწორედ ჩვენი ერთიანობითა და თანასწორობით იქნება განსაკუთრებული, მსოფლიოში არ არსებობს სხვა ანალოგი, როცა არა რომელიმე ბიზნესმენი ან ორგანიზაცია, არამედ ხალხი, თავისი კეთილი ნებით ააშენებს უდიდესი მნიშვნელობის სამონასტრო კომპლექსს. ღვთისმშობლის საკვირველთმოქმედი ხატის სადიდებლად აგებულ სულიერ სავანეში შესულ ყველა დედას შეეძლება თავისი შვილისთვის სიამაყით თქმა – ეს ტაძარი მე და შენ ავაშენეთ, მთელს საქართველოსთან ერთად!

პატივისცემით

პაატა ბურჭულაძე

Handwritten signature of P. Burdzhuladze

აქციაში მონაწილეობაზე დაწვრილებითი ინფორმაციის მიღება
შესაძლებელია შემდეგ ტელეფონებზე: 877 41 19 41, +(995 32) 14 04 84

საქართველოს ბანკისა და უნივერსიტეტის
შემოს. № 74-01-1122
"07" 12 20 10 წ.